

白華絳村閣詩集

越縵堂集

會稽 李慈銘原名模，小字恩伯，尊客

白華絳樹閣詩戊

古今體九十四首

二月二十七日里中金龍四大王廟別諸從兄弟
北上廟祀宋人謝緒越人送別處也

以下已未

此廟何年始多勞管別離春陰森晝像淚雨黯靈旗孤
棹長河側征衫落照時可憐釣游地今日始知悲

滿眼天涯路相看幾弟兄無多門戶事不盡去留情病
骨高堂念危時遠道行下舟頻掩淚望斷草雲橫

舟至霞川橋看月追寄諸弟二首

暮山回首入春城墟市歸舟趁月明老屋漸遮人漸隔

卻嫌邨樹寂無情

霞川十里畫樓新
攢笛誰家月似銀
聽得曲中春事好
忽驚身是遠游人

渡錢江作

漸江突兀眼中來
對此茫茫事可哀
吳樹遠隨滄海沒
越山晴放白雲開
烽煙此去非吾土
割據當年惜霸才
零亂落花飛絮地
東風肯勒馬頭回

臨平山下看桃花作

臨平山色修眉纖
臨平湖水開鏡簸
桃花十萬倚鏡笑
廡支亂點春人簾
花下客程幾千里
雀舫青山行未已
花開有約背流鶯
花落無書寄雙鯉
鯉魚風起故園思

花落花開能幾時
鴛央渡口春如霧
鸚鵡尖頭雨作絲
平生枉數題詩跡
看花到此成愁絕
風光縱解泥征人
顏色何如在鄉國
拂檻縈帷作意親
檣燕呢喃向誰說
惆悵尋春日漸闌
天涯游子未知還
斜陽過盡西泠路
莫問花邊更有山

上巳日行秀州道中得六絕句

客舫新添縠水痕
征途心事不堪論
桑畦未綠春蔬長
看盡桃花到石門

賽神簫管盡春聲
小舸邨邨打鼓行
敢是雙橋人影裏
輕衫團扇度清明

三塔灣頭春水鮮
客程芳草共縣縣
流鶯曉到茶禪寺

是日清明

花影斜陽不計年

載道吳歛未忍聽語兒橋外麥青青浣紗人去春無著
越客來尋櫺李亭

燕子來時柳作絲故園風物竚堪思而今老作天涯客
露葉船頭插一枝

野店春旗晚未收人家多住水邊樓綠楊盡處城如畫
煙影疏疏泊秀州

舟行黃歇浦有作

征颯亦何爲送客入遙浦沙鷗溯歸風檣烏歇春雨垂
楊帶牛亭田家自掩戶江湖朝暮來春申在何許估牽
去聲各西東相結就煙渚似聞林薄中濛濛墮人語田事

亦已繁何心獨行旅

夜泊黃渡看月有寄

練江春水明于染波心零亂桃花點錦帆破曉逐人來
夢裏尋君門尚掩重門側側春寒輕可堪孤榜翦江行
酒醒楊柳疎煙岸已是相違百里程月波灔灔人何處
日暮春衫黯芳樹多事吳淞早晚潮送人不解將歸去
歸路從教日更遙紅橋絃索暮雲高玉窗對影愁吹燭
鉢枕支鬟學倚簫起捲湘簾遲海燕櫻桃花落可憐宵
寥城月夜偕友人散步

忽入蒼茫感江城萬瓦冥林霏結高岸橋影兀孤亭荒
柝低隨月疏檣遠帶星相看共羈旅望斷故山青

周文之刺史

沐潤

招看膠城清涼寺牡丹設讌花

下歸後賦贈並幕中許太眉徵君

械

周君前宰

是邑今復攝令云

客中不覺春光殘
膠城古寺看牡丹
牡丹作花大如斗
風吹一丈高
壓闌闌外花光百十步
綺叢散綵不知數
曉色常暈千重霞
夕香倒捲三里霧
此花託地數百年
城郭殘破花依然
尋常薄植難自立
兵火所至能矜全
遂令亂後逞顏色
頓覺旅況生清妍
風塵豈冀有此賞
把酒一醉寧非天
汝南老令號彊項
十五年前作花長
里社重來父老非
惟與此花相俯仰
回首當筵賓客稀
許訥垂老尚相依
我今幸預花裯末
落魄天涯何日歸

晨至練江城外海王寺看牡丹漫成二絕

古瓦春陰倚女蘿
破扉蛛網罇塵多
謝家別夢何時醒
來問司花聾道婆

祠住道姑

琳宮曉鳥曙光寒
取次花頭睡未闌
折得一枝好風露
明朝安向鬢邊看

莫春重客滬上置酒紅橋感賦

海國錢刀日夜譁
一城斗大幻蟲沙
潢池出沒曾三載
花月滄桑又萬家
酒後錦袍添客淚
燈邊青髻感年華
肆工異舞誰相賞
重聽吳娘訴琵琶

晚泊青浦牌樓浜登岸小步

苦竹蕭蕭鷗鳴孤
邨月出少人行
破帆風裏天涯客

來聽他鄉田水聲

姑蘇道中雜詩七首

生長煙霞不厭貧故鄉巖壑秀無倫今朝塔影崑山路
一抹船頭看煞人

唯亭燈火近黃昏一夕江潮長舊痕睡起耳中滿吳語
綠楊煙曉泊胥門

夜夜金闌載酒游家家明月水邊樓畫船漸近簫聲細
小隊銀燈下虎邱

燭影銀鋪掩小門鬢香低唱泥金尊紅樓暮雨瀟瀟裏
直得離人一斷魂

豆綠櫻紅驟煖天時新節物上初筵故園祇是尋常味

客裏嘗來倍可憐

贈策常思孫子荆臨歧相左倍傷神江南好片吟詩地

山水清間夢故人

瀕行時友人孫子九來送不得見比夜數夢見之君嘗客吳中故云

馬頭零亂柳毵毵芳草游絲跡久淹我自送春春送我

各留心事與江南

惠山紀游六絕句

孤塔銜惠山清暉別塵境春晚湖氣新晴浴九峯影

平橋控山口夾岸樹如束樹外片帆來點破橋陰綠

曲曲朱闌路春申瀾繞亭竹根鳴細瀑幽絕無人聽

山下多清風昔賢不可起芳草叢祠陰鼯鼯落松子

二泉結巖趺密藻一泓養潭色浮春空山靜游魚響

巖屋開玲瓏時有攜家住山光林下人風鬟理茶具

漪瀾堂遇雨步歸舟中作

竹外斜陽匿曾陰墮檻前泉聲鄰夕磬雨色上茶煙客
賞暫難足故山思獨偏孤舟回望處白羽下平田

夜登慧山頂看月

華月升練湖林輝忽已滿宛宛九龍峰明鬢出新盥挈
侶凌幽夐絕頂得地坦曲磴躡蘿澀盤石憩苔煖挂策
巖鼯緣響屨栖禽散遠映楞伽山一白不可斷坐久悟
暝色萬籟息相伴旅游易爲奇言歸迫宵短月落深林
幽古寺照燈纘

昆陵阻兵數日後聞賊退廣陵復決前進題家書

後

離家五旬餘，飄搖孤舟客。麥熟南風狂，吹我晉陵驛。
賊氛忽鶻張，烽火照江北。征帆盡皇皇，遷延不能發。
饑寒驅病夫，走險亦何擇。身瘠無代肥，豺虎當不食。
徒以高堂心，進退未知決。奮往分無覬，卻歸又失業。
昨夜江月好，照我夢鄉國。顏色雖暫慰，行止愧難說。
貧賤幻別離，骨月如我迫。城頭角聲哀，千里曙光白。
似聞廣陵濤，金鼓漸將息。大帥軍政嚴，行旅安枕席。
坐茲復奔走，間道向京闕。長年促解維，童僕喜動色。
僕倒欲言歸，借端竟無術。聊寄平安書，裁完淚填臆。

風雨曉渡楊子江次前渡錢江詩韵

風煙如此渡江來春草王孫祇自哀吳楚波濤終古壯
金焦睥睨向人開危臺天險思良將亂世途窮感廢材
浩蕩一身何處著倚闌相望日千回

由潤州至廣陵途中書感

北府之兵天下雄蕪城仕女驕春風誰令蛾賊忽變幻
江南江北烽火紅十年轉戰事益急官軍屢復賊屢得
長江天塹連潢池直與黃巾作衽席嗟予間道犯宵霧
短後衣敝屢回顧倚船長嘯空爾爲日暮風橫不得渡
戰骨高過芙蓉樓戍旗明滅鷺鵠洲誰何健兒各開府
笳鼓對作聞中流清河少年稍可喜飛燕威名躍然起
南徐五載陷賊巢一戰猶能盡江水江水連淮不可絕

高騁惜非萬人敵倘教擊楫眞英雄未必橫流果無術
白面烏鵲共弄兵花門一部更縱橫竹西楊柳荒雅路
三兩殘黎自築城

晚望邵伯甓社諸湖至露筋祠泊舟二首

霞邊湖氣白絲絲極目鷗鳥點遠漪忽憶故鄉千頃水
疏疏梅雨長官祠予家後臨官瀆大湖北爲大樹港有松楊長官祠

甓社湖光淡不收人煙起處草楊愁客裏風懷清但水
露筋祠畔木蘭舟

寶應道中

亞軋驃車響碧疇居人多驃驃旋桔槔灌田淮山依約畫眉修農經
魚簾平生事煙水長應憶楚州

四月二十三日渡河次袁浦聞捻賊鄰宿之警二

首

驅車言渡河沙淺狹如帶伊昔號清口鑿絕南北界淮流相表裏地險鞏徐沛自從元二交豐北忽崩壞河流竟改道汴渠受其害朝廷竭金錢外繇莫著敢棄地一千里反壤決愈大運道成絕流長隄竟爲贅形勝旣坐失全淮亦被累河徙古凡五輾轉必南潰此決忽東歪陵谷寓至戒淮楚正多事恃河扼四塞一朝成軌涂舟楫竟何賴神州詎陸沈后土弄狡猾平生利涉志來此發深喟安得挽經瀆洗兵反畧々

我行抵逆旅道逢防河卒使者下軍符繹騷偏聞邑喧

傳齊魯交銅馬滿千百穀城當孔道壓壘勢且岌警報
接踵至仰救急旦夕此輩新市徒所惑五斗術中原數
千里蔓延徧赤籍亂世誰爲驅一變盡劇賊芟夷豈能
盡分別復難擇得毋天所厭種族待剿絕羣聚厚之毒
崇朝饗誅殛亦或有司過剝喪致失業世運丁中衰亂
資假驛突一發不可制民氣遂目竭萬一斷淮右吭喉
爲所扼粵寇相連衡 國事將無及我生復何營棄家
赴徵秩中途屢遭迴安危固難測事亟輕百憂身贅判
一擲上覬 國家福下念老親食明朝脂我車攬轡氣
無憚

曉發桃源

僕人催夙駕頭面垢不沐泥店雞初鳴依稀辨平陸沙
輒塵未起煙霽樹難蓄漸覺馬首高陂陀入林麓曙色
川上來露光開茅屋客程丈何爲逶迤自相屬眷念山
居時幽夢正初熟長貧因得閒睡味一家足有時丈早
起空庭往來獨小樓著清暉繙書聊淡竹胡琴樂遠游
蘆鞭苦相逐朝曦火可愛流光殊接目徑折見草長風
痕偶然緣我家不可望鄉思莽空曲

晨涉沂河經琅邪入山驛宿蒙陰青駝寺三首

昨見穀城山今發沂河渙褰帷竟揭涉波淺不漫軌川
先生馬腹微茫辨洲沚人騎影相雜零亂度煙水河干
榆柳陰團團互迎峙窅暝晨霞明林暉闊青紫對景聊

自欵藉此滌塵

我經琅邪郡鑿鑿瞻重城此邦盛文獻懷古耿難平諸
葛不可作賢相推茂弘此老實陰謗史冊蒙嘉聲典午
昔東渡周戴皆國英自量才不逮作賦仗阿兄外挾虎
狼重據佐莫敢爭夙憾旣盡報賊勢垂無成更假滅親
義迫險方交兵大桁懸逆首詫爲門戶榮坐受天子拜
侈姬夷吾名豐碑紀故里千載傷我情

征轍苦轔轔漸入沙路仄礧礧大弁山石骨不可轍斂
轍彌之前及寸卻又尺身輕付顛撲馬足鋗山跋維時
正歎蒸夾躰炎日炙巖邑指蒙陰纏連盡巒嶠青駝尤
礧礧神斧落巨劈地力注一卷奇氣爭絕壁誰能傳煙

翠疑是太古積石鏽結危寺山勢故不窄頽陽息僕痛

五日宿荒驛

是日重五

微雨過東蒙敖陽諸山二首

四山圍合翠重重來向顚臾問舊封蓑笠平生好風調
一鞭殘雨指東蒙

征途攀確幾時間暫喜塵清一解顏馬首溼雲剛過盡
短鞍落日看敖山

羊流店謁羊太傅祠

我經太傅里瞻謁祀遐慕名德猶在人輕裘仰風度亂
國識王衍平吳荐杜預豫窺君志荒先戒煩聖慮後儒
持苛議謂公作計誤曷不竟釋吳俾以爲外患此言誠

謬悠公見蓋有素及身不早圖後嗣必多故皓舛更大
君江南豈可覩侵尋及惠帝堪此強敵樹八王旣內亂
鄰國益肆侮公故早定謀功成已身去悲歎留峴山性
情如欲語逮丁懷愍衰藉地得東渡千古社稷臣如公
洵難遇才識與德量一身乃兼數太山公故鄉荒祠尙
歌舞是日居人
方演劇風景亦可懷魂魄儻來駐再拜登車行
九原吾誰與

太安道中望嶽

岱宗比峻德瞻望肅高深元氣自天地清暉無古今峰
分齊魯望雲接海沂陰未有東封草徒爲梁父吟

平原十里鋪題壁二絕句

道出荒城馬去遲千秋人恨不同時年年徧地垂楊綠
多爲君侯作繡絲

國士今來莫更論孤寒乞食尙無門平生肝膽誰能識
不敢人前說感恩

留智庵題壁

齊魯蒼茫接翠微風沙和淚滿征衣疎楊馬首荒村近
落日鴉聲過客稀自笑出山真小草誰憐將母寄當歸
平原入洛年差長羞說虛名滿 帝畿陸士衡入洛年二十九世傳二

十四者攷之本傳蓋誤予今年三十一年故云

河間二十里鋪題壁二首

征車遠邇入河間赤日長途未得閒禽語林深知有店

馬頭塵配遠疑山頗聞桴鼓連三輔漸覺屏藩壯九關
爲指故鄉何處是夕陽東際白雲還

三十勞勞一第難文章賣盡賸飢寒藏書寂寞千秋事
舊業辛勤八口餐未必貲郎真辱國敢因虛譽恥求
官傷心南北瘡痍徧孟博徒聞攬轡看

行路難五首

有序

古樂府有行路難者皆言行役之苦山水險惡
習俗變詐所目戒遠游重鄉里也未有王道如
砥川陸不驚而肺塉之親操戈其後言笑之頃
飛沙集前戴面媚狐爭骨瘼狗劍閣鉛嶺盡藏
其匈峽灘鞍湍無踰其舌進據猛虎退蟄毒虺

幾至棄菱骨于中涂擣蓬植于重井草具之饌
蹴甚乞人菽水之金攫同駟盜如予今日之行
者用擬古詞以志所遇凡分吳門昆陵廣陵淮
陰薊門五章事各繫境語必徵實音拟今惜貌
殊古人誠禹鼎所不詳天問所未悉犧牲之祭
乃載夔鼈齋斧之占取映饕餮因呂窮交道之
變補阨歌之遺隱其姓名存乎忠厚比匪之客
用戒後人覆車之傷冀諒君子云尔

我行抵吳門吳門一何高要離塚上生蓬蒿伯通之廡
魅所穴運期變姓安能逃館娃笙歌醉風月羅襦雜坐
人橫刀噫嘻乎一歌行路難養鷗成飛梟金闕亭畔休

繫舶太湖一勺翻波濤

我行抵毘陵毘陵路將絕州來季子不可尋斬蛟少年
益橫決餲餲燒城一寸舌歎歎潰原雙尾趺危語中人
銳戈鏟千年縞紩一朝裂噫嘻乎再歌行路難同舟忽
仇敵國山謠言大石大離合人心幻祿蟹

我行抵廣陵大江浩而洶巨魚人立張丹齦變幻陰陽
在嚦荔蜀岡一何長晴雨隔背項叶雷塘一何幽熒燐

舞芻俑戚陳義士地下游杯酒西風酌孤塚噫嘻乎三
歌行路難負心不旋踵虎僂前行鬼車擁楓青月黑行
人恐

我行抵淮陰洪澤何茫茫釜底鑿鑿隱城郭萬家呼吸

鄰鮫劙市中惡少不可當帶刀白日橫飛霜王孫屏息
伏跨下漂母荒墳空道旁噫嘻乎四歌行路難蛩駢化
豺狼黃河東徙生枯桑人生翻覆安有常

我行抵薊門薊門不可越太行面前犯突兀易冰悲風
激華髮可憐刎頸交金盡禍機發十三小兒豈解事奔
走屠沽雜廝卒噫嘻乎五歌行路難盟書載檣杌蕩蕩
金門鬼通謁臺下騏驥汰枯骨

燕薊道中雜詠五首

曉日行移縣緣林屢駐驂孤城銜一塔風景似江南景
漳水交流處風沙落日天槐陰富莊驛大馬聽鳴蟬交
竇建真英雄玉璽歸日角胡盧日夜流無人弔長樂獻
叶

縣

十六州終棄雄兒帶矢還猶傳十萬騎大捷瓦橋關
雄州派

繞涿居無改桑陰日又斜尋常邨舍裏人道漢皇家

雄州派

良鄉道中望大房山

雲氣興陵尙鬱盤馬頭青見大房山金源文物凌南宋
一代雍容大定間

雄縣十二連橋旅次題壁

驅車出趙北宛宛層城阿人影亂低葦馬蹄澁晴莎修
隄界夕陽連橋涯微波涼翠無遠近隱隱聞漁歌頽霞
捲高柳驚風掠圓荷煙水亦未杳好懷忽以多農事及
茲閒平疇交新禾俛仰慨流景田園今如何

五月十七日入都作

軼蕩九門開 皇居固壯哉
塞形遼海控山勢太行迴
郡國今多事 風塵我又來
至尊方側席 誰是濟時才

京邸九日感懷四首

冷落風光九日天 故園回首一潸然
愁心逐客三千里 痘骨名場十二年
自己酉應鄉舉今六度矣 江國去帆連遠水 薊門獨鳥下寒煙
遙知弟妹承歡暇 應自登高望日邊

愁把黃花對客吟 風塵淚眼罷登臨
北湖樹映寒流靜 西嶺鐘催晚翠深
未必文章資上第 自慚燈火負初心
埋憂莫醉他鄉酒 容易霜華兩鬢侵

幼從識字受親知 十五年來手澤恩
先君子於乙巳之秋見背翻悔

聰明辜厚望尙應漂泊念孤兒窮途敢謂傳經誤晚遇
終憐報國遲失計棄家營薄祿北堂白髮負恩慈
飛駒結蓋滿神京遠地烽煙獨愴情貧賤猶爲知已重
亂離莫道著書輕一官失業家無食十載憂時國厭兵
市駿臺空屠狗散眞從今日悔浮名

哭王平子五首

一病西風涕淚枯間關筋力盡馳驅竟令潦倒中年外
頓覺文章海內孤貧士豈能先作達他生真欲悔爲儒
更憐兩日明經選算是君恩慰向隅君中副榜
兩日卽外

別爾三年望眼穿長安相見鬢蒼然天街瘦馬同車出
雨夜荒雞共被眠寂寞每商身後事清狂難得客中憐

買山空有歸耕約留取西鳧好墓田

君先世多葬西鳧山常欲卜隱自號

西鳧

生云

病榻周旋得幾時相違三日卽長辭淒涼旅邸無親僕

綿惙中宵盼故知

予不見君僅三日君垂歿時望予甚至

元伯有靈還入

夢

君歿之夜予夢君入地者再

審言臨歿尙稱詩傷心遺篋無多物

敝帚殷勤見護持

君歿前日猶手予詩不置歿後諸同人檢君遺篋得予蠶繆堂日記數冊

焉

早勗功名爲養親讀書無命各沈淪飢寒壯歲同羈客
兵火窮途哭故人一死獨爲千古痛九原難贖百夫身
男兒終爲生涯誤贏得飄零委路塵

草設靈牀薦素琴傭書猶有買棺金故山遠道魂歸怯

亂世高文鬼妬深八口艱難衣食計百年生死弟兄心
遺孤養炬今何許聞說風霜葛帔侵

酬潘紱庭丈

曾綏

四首

當代韋平望如公得幾人簪纓九州冠詞賦一家新優
老榮卿秩承顏有近臣

謂令子伯寅學士

似聞東閣舊猶許吐

車茵

冠蓋長安市江東一介來孤生餘涕淚多難閱蒿萊世
險還營祿途窮敢怨才白雲親舍在日日上燕臺

舉足乾坤窄相知尙有公愛才緣國事折節見家風
笑貌心俱古文章老更工悠然民物念不效信天翁
賃廡傭書暇秋深日閉關風聲偏傍客鄉夢不離山境

寂常供病時危忍愛閒階前容尺地談笑一開顏

都城東偏浙人旅殯處醉平子匱

落日松楸破屋寒故人新鬼此盤桓烽煙遠道難歸骨
兄弟天涯一撫棺年少如君先委謝家貧有母祝平安
忌才真痛蒼蒼酷贏得文章後代看

燈下讀孟調詩

不謂斯人外高歌尙祀予此才能幾見吾道定何如五
夜神魂接千秋想望虛飄零新楮墨知是必傳書

贈陳德夫水部

驥

薊門三日風怒號馬頭落葉來如潮太行山色遠無極
舉首惟覺秋雲高短鞭款段長安市眼底飛騰見陳子

一言真可千金輕握手便爲百年始終年兀兀常苦吟
讀書所至忘升沈微官坐爲國家贅高歌誰識屠沽
心君家闕閱重京邑尙書憂國早頭白本兵一身繫
九州盜賊縱橫竭籌策君今羣從盡才俊朝廷急才
各思奮天生世家要有用故令饑餓等寒畯慈也落拓
困世儒罪言欲上豪彊狃痛飲一旦識驚座感君意氣
真吾徒六街咽闌轉華轂平頭豪奴日馳逐豈惟文字
有深契自是風塵樂幽獨吳兒覆額青絲長銀燈夜月
春醅香偶然買醉亦快意順郎一曲能斷腸回首干戈
滿淮甸遠道思親淚如霰人生有田足歸養寧使躬耕
困箕斂我家老屋鑑湖濱避寇君曾暫結鄰莫忘谿山

佳處去白雲早作耦耕人

君子丁巳秋侍其尊人避寇至穀居一月去今甚憶其山

水有結鄰約云

柯山紅樹行寄柯山故人沈瘦生

有序

旅中閱孟調遺集有洛川道中詩云好似故人團扇畫祇疑歸夢到柯山自注穀縵子嘗有柯山紅樹畫扇云云展念逝者益增歸思爰演長歌寄沈瘦生瘦生故居柯山也

故人家在柯山曲門外谿流轉寒綠板橋一抹長林西盡日煙霞看不足山深幾日生秋風樹色盡作臘脂紅斜陽隔山道金碧畫屏慘淡開天工平昔看山愛秋晏寫入吳紈白團扇畫中佳賞誰敢同濁酒扁舟載王翰

尋君遙指松扉開破帽風前笑相見第五橋邊詩思多

林陰席地共婆娑年年好景常如此放眼湖山一醉歌

遠水遙山入秋暮多少征途此中去漁舍多依薜荔灣

估船偏問鴛央渡

皆柯山地名

王郎去客嵩汝間余亦勞勞

別故山江路雁來知有夢白雲秋盡幾時還燕雲越樹

動成憶把臂王郎忽長別黃沙落葉滿長安寒日蕭蕭

素車出著屐平生定幾回遺詩讀罷更堪哀分明洛水

疲驢道曾得家山一面來遙憐疲沈依山住紅到山中

幾千樹已是顚詩失酒徒扇底風光更何處何日僧廬

返病身綠蘿禪榻結比鄰西頭更觸浮生慟滿目山陽

笛裏人

甲寅春蕭山陳荃譜勸予攝靜山中因偕三舍弟養疴柯山之蘿菴孟調自姚江寄詩有蘿菴

詩人病不外云云今既悼陳子復痛王生而弟墓艸亦三宿矣存歿之感泣然系之

七月間得凡公寄詩今三月矣燈下展閱走筆酬之

易水寒生早雁哀故山靈澈壻來茶香經卷燈前轉
佛影瓶花磬裏開別爾半年江路闊懷人千里鬢毛催
林泉行腳應加健破衲寒天尙慕梅

凡公新築募梅精舍

送友人試令吳中

財賦東南數十城三吳根本繫蒼生轉租自昔高天下
增餉頻年宿重兵未必農桑支國用須知牧令近民
情耽謠今下盈廷議勉體艱難答聖明

指今年二月間古吳老農

事揭帖

越縵堂集

會稽

李慈銘

原名
恣伯
小字
慕
尊客

白華絳樹閣詩已

古今體一百四首

送周生之官閩中卽便道旋里

至尊宵旰憂蒼生特詔輸粟充邊征權時變策濟國用
不欲科第窮功名丈夫讀書不得意破家獻金爲國
計微賤有地足自效遑恤貲郎衆所棄生也嗜學喜討
論十年兄事情歸敦窮居才力惜坐耗低頭諧價鴻都
門大河南北江左右屹屹堅城百無有閭臺新勸猶可
爲君望瘴山負弩委今年同上黃金臺伏見雙闕高崔
嵬退談時務輒噤口酒徒四散驪歌催馬首一尊送君

白華絳樹閣詩已

一 越縵堂集

去海國天寒隔蠻霧輪蹏踏盡十月冰斗際觚棱定回
顧甌甯夙號風俗淳近來猺鬼何縱橫南劍數州次收
復戶口瘡痏猶未平海外荷蘭戰爭地夷琛蠻賄不可
計朝廷德化馴諸藩要待清強鎮文吏願君勉樹循
良聲廉勤所至無近名棠陰治譜有家學進身豈得他
途輕聖世待人破資格草楂麒麟乏驅策莫因寒餓
重一官肯爲時宜貶儒術此別殷勤萬里身故鄉歲暮
少歸人一家風雪柴門閉藉汝平安報老親

寒夜讀家書

朔風入寒夜嚴霜積庭墀仲氏有書至慘悽不成辭上
言我母老齏粥難支持下言兒女穉天寒嘵朝饑弟妹

復多病藥餌無人施債券盈一尺催租日凌欺近割渴
陽田倉黃救然眉哽咽未終讀摧惻傷心脾我家號素
族一頃先疇遺詩書與菽水事事恆仰斯勤儉承世業
安貧重別離予也涉浮慕忽有仕宦思違親事結束貿
然來京師微官格吏議苛求及銖錙一試又被蹶垂首
不敢嘶寄食乏友誼尸饔累親慈朝廷廣輸納階級
充優廝謁選數萬人捧檄無所之予本專愚流動靜違
時宜生產嬾不理壯歲猶兒嬉見人輒呐呐詔笑遑所
知薄植昧自量途窮亂百爲此舉誠職咎此志良可悲
三十不成名仰俛無餘貲變策思自展奮身效明時覬
幸或一得稍可營烏私間關委異國回望常涕洟今夜

故園月冷光薄庭幃一家盡寒色圍坐計歸期所禱皇
天仁薄祐酬深危三世沒未葬存者日以衰但遂粟布
早不希茵鼎遲科第身外事遑敢怨數奇願弟勉承歡
苦志儻不違詩成指斗柄漸漸橫南箕下有我鄉邑吾
廬斷晨炊

至日後夜坐盼家書作此寄弟妹

嚴霜夜館罷高歌悵望音書日幾過燈影茫茫鄉夢遠
市聲浩浩客愁多帝城花月猶閒甚故里桑麻奈盡
何卒歲無衣還寄遠不堪游子更蹉跎

冬夜懷望泰山人孫子九

夢爾窮居鬢髮皤然公才思老無多天寒鴻雁迴燕市

日暮龍鼴走澗河用世本懷應不忝買山生計近如何
遂初莫更妻孥累猿鶴年年怨薜蘿君久欲卜居秦望山下數年未遂故以要之

暮冬夜坐用凡公送別詩韵卽寄凡公鑑湖三首
寒夜齋鐘散講經虛堂佛火淡于星竹林風折泉冰裂
獨向蒲團雪裏聽

行腳湖南溯我游空林黃葉幾曾留蘿菴客去秋山閉
老衲寒雲各自愁予居蘿菴時自號黃葉院病頭陀以菴有此院也

筇屐雲門一往深辨才塔畔舊題襟相期流水孤松裏
一卷楞嚴靜夜心居鄉時數與凡公及社中諸子游雲門化山予嘗借傳燈寺藏經臨行時以屬凡公還之

正月
除夕京邸守歲次厲樊榭南湖草堂除夕詩韵同

黃卣薌

體大

陳珊士

壽祺

兩比部楊子恂舍人

仲榆

周叔雲編修作

傳箭中原戌鼓譁歲氣猶未靖龍蛇卅年貧賤初爲客
一飯藉難怕憶家忽漫旅中驚爆竹不堪愁裏送年華
相憐此夕同無謂禁陌恩恩已曖雅

除夜述家居瑣事再次前韻

田園伏臘避塵諱身世年年笑蠶蛇矮燭杯盤慈母饌
小門風雪埜人家舊逋裁券供詩草破甕蒔梅紀歲華
誰遣今宵成獨憶鳳城東畔聽曉鶯

又懷柯山舊讀書處三疊前韻

夾澗寒林寂不譁緣巖細徑轉修蛇曉煙竹氣含深寺
晴雪湖光散萬家一別梅開山上路半年霜入鬢邊華
夜深歸夢書樓側凍柳疎疎帶宿鴟

人日發家書題後

以下庚申

藉此平安慰倚闌封題鄭重兩行餘客心故國三千里
人日今年第一書卒歲艱難差已過高堂眠食近何如
郵筒莫再遲遲答須念天涯怨索居

家書封後函背又批二十八字

書到應將二月時復書已及暮春期柯山桃李南湖柳
春事皆須報我知

正月十一日家慈生辰招同翁已蘭戶部

琳子恂

卣薌夜飲有作

畫扇屏閒翠袖風禁衛初月上簾櫳星檐茶語輕寒外
雪燈梅花淺醉中春事尊前剛旖旎客懷笛裏各惺忪
團欒爲想家園宴花勝圍燈颺小紅

穀中燈詞十首庚申客都中作

家居何事答豐年客裏思來總惘然第一春宵好風月
山川金碧試燈天

太守席前春鼓鳴東灘西灘春水生東西相約看燈去
郎來夜夜接儂行

路家莊畔好歌臺十萬春花燭裏開月下新粧齊出看
前邨報舞火龍來

陶堰年年燈市新百家廟裏共嬉春春星漸亂歌塵歇
燈火家家扶醉人

東關十里逐笙歌百戲魚龍燭隊多照出隔江明月好
估燈千百下曹娥

早晚城西逐隊行連旬社戲最關情朝朝迎面不相識
儂進城來郎出城

三山石堰路相連小隊燈迷共賽年爲懺山名不成對
年年燈樣愛團圓

柳姑廟前初月圓湖雙燈節少人閒湖西少婦獨閉戶
郎去湖東今未還

阿儂家裏社筵開姊妹連朝催我回郎今正月少田事

儂去看燈十日來

風景承平最可思村巫沿路說燈詞但祝年年永團聚
大家歡喜過燈時

二月望日大雪後月夜賦示同好並約游西山

微月生樹間還照階下雪延素倏已盈流采自爲接檐
欹光若傾庭坳色愈積虛堂宵以明人影淡相卽浩景
懸樹杪違意不可說取適匪自遐索妙豈翳迹塵羈苦
羈煩茲賞瞬無失夙戒西山游瑤夢破煙碧行結芒屨
侷踏冰採松屑荒寒乃成奇幽討或有得卽境忘時蹠
寄悟惟一潔天涯耿無寐瑩然悚心魄何當思故園牆
陰杏花白

聞清江浦之警感賦

聞失袁江戍倉皇未集兵風腥淮浦樹月黯楚州營此
地關南北諸君決歟生國家根本計不獨爲私情

聞故園近日消息傷亂憂家難成五首

百戰桃州地烽煙亦僅存軍聲桐汭亂殺氣渴湖昏遂
失三吳險空傳萬騎屯專征周奉叔薄議尙君恩

大府傳飛檄鄉關乍被兵愁雲盤故障妖彗埽長城戎
馬鶯花地江湖戰伐聲越山東望近莫使鼓鼙驚

驛絕姚江耗誰詳倡亂因赤丸研文吏白棒聚州民世
變無完土家危有老親誰令輕遠役日夕淚沾巾

未奏清淮捷天涯阻賊烽雪深三月暮路絕一身窮

國事嗟何及家書杳莫通何時能奉母避地亂山中
細弱全家累辛勤仰母慈夢中憐病弟亂裏念孤兒多
難驚心慣窮居得信遲側身無處所流涕太平時

庚申清明

時杭州新破

故國烽煙急聞言日幾驚窮途逢喪亂異地又清明望
裏家何在愁中草未生病軀思殺賊不是爲功名

夜夢僧兒二首

昨宵歸夢裏見我最嬌兒用義山句識面驚囁久牽衣索抱
遲瘦憐經亂後貧誤授書時稍得飢寒救零丁忍爾離
墮地鮮民憾兒生太可憐誰爲鄒鑒愛空慕鄧攸賢撫
育原親命文章儂爾傳袁宗期此寶追慟過庭年

閏三月六日招同呂庭芷

耀斗

周叔雲兩編修楊

豫庭太守

叔擇

子恂舍人兄弟周雪甞庶常陳

珊士黃齒薌兩比部慈仁寺賞花以雜花生樹

羣鶯亂飛入字分韵賦詩予得亂字

閏春撰嘉辰命儔戒清旦輕塵導城西古寺結林斷入
門松翠明花光忽相亂薄煙媚鮮素微陰襯深絢地偏
遂所植候遲極茲翫衆香閟疎鐘重葩罨層幔雲色呈
優曇得非妙鬢見寺供窯變觀音像飯熟趁鵠齋梵沈轉鶯讚
客賞易爲盈塵營且多紲撫此暫時豫更積彌襟歎傾
尊迫濛汜停驂惜分散眷言重晤期逝恐景光換遄歸
紀歡游餘芳逐迷漫

白華絳樹閣詩已

七 越縵堂集

悲丹楊

黑雲壓營如壞牆健兒十萬委且僵大帥鼓暗江水鬻
總統一騎來丹楊總統雕青好身手百戰崎嶇虎狼口
朝收九洲夕克江浦城捷火日報烽燭清廟賞未
行賊圍急齧血裹裙催援兵可憐築屯一百里釜底游
魂竟飈祀偏師擣背忘扼衝入載長城一朝圮溧陽戌
旬容屯尤來大槍萬騎奔人號鬼哭江天昏總統集衆
衆不軍扶創奮呼挺矛出帳下親兵不盈百賊血漬槊
槊不開礮火一聲地天裂一卒還報將軍亾大帥仰天
刎道旁嗚呼君不見處處岡墳古戰場它年庶食睢陽

張

悲吳門

金閭門外千萬家樓臺十里堆紅霞忽然嚴檄下坊市
煙花一炬成泥沙可憐深源入州督睡棄三吳不容宿
銀刀牙隊縱橫驅鞭稍所指萬人哭姑蘇臺高無一兵
中丞傳箭急閉城花門四出斫城闕兵耶賊耶誰主名
怪鳥譁譁夜來集四海華火中畢廂團迸散商民逃
早見紅巾滿牆立嗚呼何郎之肉食豈勝吳人莫怨徐
中丞

庚申八月感事四首

海國蟲沙忽刺天妖氛直射五雲邊萬金緹庫方懸賞
一騎皮冠竟執鞭下殿已符南斗識時熒惑入南斗行圍重語

北征年 累朝神武聲靈在誰繼車攻六月篇

名王鐵騎鎮沾中太息藩籬指顧空孤注何曾謀寇準

籲留幾兒約陳東絕憐滄海橫流速尙想神京拱衛雄

東望 翠華應下淚 昭陵松柏配西風

上以初八日東狩次日

爲文皇帝忌辰

五朝神奠翼 皇州縱火連宵燭九幽法物盡隨羣盜

去仙山真見萬靈愁不須華髮摩銅狄空使孤魂泣水

囚內大臣文豐投水死揭牋滔天古無此憑誰海上搏長虧

臥病危城日百驚劇憐身外太無名焦頭詎解中朝禍

汰血徒傷下士情 九廟鑒觀應不違諸君功罪豈難

明上方有劍無人請慚愧平陵折角生

贈呂定子編修

毘陵呂君夙好事異書疇客日招致十年柱下老不遷
退食皇皇治文字去年持節秦中回夾袋瓊瑋無凡才
召對頗聞至尊許狂言屢得公卿猜一朝車轍到窮
巷談塵乍交覺神王齊年投分惟尹洙謂尹侍御跋雲峯距孤

橫足相抗漆室坐憂時事非可憐立仗難呈奇著書相
示輒憤絕往往酒案翻淋漓東南三月賊大聚浙西七
郡半焦土君家晉陵當賊衝枕戈夜夜泣如雨中原豕
駭無英雄島夷忽瞰明光宮翠華倉皇下殿委驪山十
日煙塵紅圍城昨得君家信弟歾行閒姊飲刃罵賊爭
傳女縷烈同仇竟見趙禮殉試看節義在一門故家能

使朝廷尊平生力學本忠孝文章豈足酬深恩輦下風
塵暫清宴老父南中幸無恙亂離間道營板輿所覩晨
昏慰羈宦慈也有母東海隅干戈半載無音書願得明
年花發日同作長安反哺鳥

朝鮮鄭謙齋山水畫幅爲潘伯寅大理祖蔭題

三韓文物稱靈奇錦江白岳相榮迤文章之美數金朴
鄭君畫筆尤淋漓米顛倪迂盪腕底能于蒼潭生妍姿
雞林黃葉鵠嶺樹煙雲不屑收凡資當年薄海正清宴
屢見奉使來京師公卿招致盛文讌姓名頗受天王
知九都山下老歸卧畫圖供養登期頤天風海鶴倏已
渺神物在在猶護持熒陽學士癖嗜古風流翰墨照四

夷尺縑鄭重遠人物玉堂召直恆相隨承平故事洵堪
羨唱酬再繼蘇齋詩翁覃谿蘇齋集有題鄭謙齋畫孤山亭子詩遙知海外
迎賓館處處題君黑水碑

爲吳碩卿工部

景萱題潘星齋侍郎彷范寬釣雪

圖三絕句

點墨單縑思渺然難憑去雁問吳天銷魂更寫江南景
煙水零星見釣船

寥寥松火旅窗青夢裏荒蘆帶遠汀知否山陰今夜雪
燈前補網有人聽

鑄錯年前典鏡湖漁莊十戶已全輸煙波長物都何在
更欲從君乞畫圖

亡弟忌日感賦

慟絕三年訣別時天涯涕淚更誰知
几前宛宛孤兒拜地下娘娘病婦隨兵火
并難通夢覲臥生同是負恩私傷心一盃藜羹祭卒歲艱辛仰母慈

庚申生日書感

卅載依依鄰下身無端窮海作羈民草間著述中年事
歲末飢寒覽揆辰天地何心生棄物國家誰信待斯人
遙知今夜高堂夢白髮思兒一倍新

是日陳德夫獨冒雪過慰更賦一詩

勞君風雪款寒關相慰窮途制淚潛幾許年華供作達
無多親戚望生還百篇罪草籌平寇一枕風松夢買山

同是古人稱老日且持歲酒駐衰顏

德夫長子二歲

庚申歲除日次東坡岐下歲暮思歸不可得爲饋

歲別歲守歲三詩寄子由韵三首

家居少還往禦冬乏相佐嫗戚洵有情饋歲辦微貨
裏山紫筍脆老蕩青魚大賦中呼山深者爲裏山筍以裏
者爲老蕩我母拮据籌朝覲夜忘臥鄉風尙餐稷賦俗
以角黍米相問遺羅列滿四座僕婢俱忻忻米麥勤蒸磨施報
詎云煩歲事忙裏過胡然客天涯孤懷孰予和饋歲

童時屢逃塾卒歲常恨遲可憐一瞬忽此樂那能追成
丁淳憂患漸知生有涯孤兒依寡母風雪天寒時姊妹
讓飢飽兄弟揣瘦肥聊計讀書功上釋高堂悲柰何兩

載來輕與鄰下辭願促游子算續我親年衰

別歲

四海久苦戰百六爭龍蛇東南積劇賊列障無周遮我家雖僅保憂危知如何柴門爆竹聲燐礮相驚譁嬌兒伏母鄰畏聞戌鼓過一身阻京國仰望南斗斜事畜兩慙悚出處千蹉跎明年得歸養功名安足誇

守歲

始見白髮慨然成詠

以下辛酉

三十衰如此飄蕭見鬢絲虛生多事日難贖少年時出處終何倚飢寒豈久持孤身千里外幸未老親知

潘星齋侍郎

曾瑩

見示近作曉游天王寺及晚坐

慈仁寺見山閣詩因念甲寅之春養疴柯山蘿

菴朝夕景狀追賦二詩卽用侍郎韵并索珊士

和之二首

曉起尋宿雨筍榦響幽麓棲禽半已起林端就新旭入
林路若暝煙重首如沐轉徑忽已明晨光在叢竹鐘聲
自何來因風出深綠松屑無人收時時墮谿流竭與山
靈違塵煩爲誰束登高望故鄉天遠樹如粟

晚歸投僧居芳蘚知我迹松扉掩深林莫雲倏已積一
磬繞廊去衆響共清槭龕燈納山影暝翠去檐尺經帷
聞茶香靜與花氣隔竹樹交廣庭山月爲刻畫永言別
茲景遠夢墮寒碧獨客數歸鴉何時返山夕

春晚寄懷弟妹

故園弟妹憶燈前照鬢緇塵一黯然鄉夢醉中常萬里

病懷客裏又三年，亂書燕污花陰榻。
破竈茶香穀雨天，領取貧家風景好。

少司空潘星齋先生 予告賦贈二首

家世三公甲第高，星辰平步接雲霄。
公貳吏部最久素業韋平重，本朝密勿當時傳。
譏議退閒結習尚，風騷鮑生得廁鄒枚列。咫尺龍門未覺遙。

翠華猶爲吐蕃行，三輔倉黃漸被兵。
憂國一身先老病，拔材十載急澄清。
同舟誰共匡時策，去位難勝戀主情。
雅俗卽今資坐鎮，願公強起爲蒼生。

寄內二首

蠶室田居分隱淪，三年誰還事風塵。
亂離莫更傷羈客，

寒餓多煩慰老親可使士安終失學

謂僧慧

漫疑孺仲未

安貧與君生小爲兄弟法喜維摩本宿因

姑母馬孺人
生內子後卽

病幼予與內子
幼皆育於祖母

絳趺閣上焚修地齋版經帷大母傳廿載米鹽貧裏淚
一家燈火佛前緣大母建絳柏閣供大士像臨物以閣屬內子焉家慈及內子皆未三十卽長齋奉佛
客居久懶閒情賦鄉夢常依淨室天記取白頭山水裏打鐘掃地補當年

星齋侍郎以所畫山水小冊十二幅索題爲各系一絕句

荒林接遠疇山寒自爲潔日暮誰獨行蕭寥佇風雪
秋水生遠汀微茫著煙樹扁舟無往還只在天空處

十里柯山路蕭蕭紅樹林別來秋幾許滿目故人心作畫

遠山紅樹小景予取愛故鄉柯山紅樹
嘗屬公友任熊渭長繪圓孟調題詩

絕壁青萬重下撫高樹頂落日臨晴江空翠見人影

浦樹蒸溼陰嵐翠忽復積柴門猶未局山氣黯將夕

歸路沿漁滻江邨月色新依依渡傍柳相識刺船人

重嶂罨斜谿夏木晝常暝屋背飛泉聲高眠孰爲聽

高樓結山阿溼雲漲林莽莫補切窗開風四來跂腳看飛

雨

人家占幽處相望槲陰中只隔東西崦雲深路不通

畫到工官瀆蘆漪帶釣船秋容收不盡永日上空亭

予居

宅後爲官瀆卽截絕書所謂工官瀆平湖百餘頃瀆口有菴絕似畫境云

著書對山光水際結林屋鷗飛不見人盡日風簾綠
畫境入潭茫高懷不可寫竹杖映吳裝理詠秋林下

和珊士送春詩心字韵

異國春歸客感深烽煙滿目罷登臨茂宏到處能胡語
莊舄無人和越吟四海倉黃留此日十年閒散負初心
草驢禿尾天街側吹笛纖兒莫見侵

春暮雨中有憶二首

花底重門路櫻桃又餞春麝巾心上事蟬鬢眼前人獨
客難爲別他生恨懺貧朝來羞對鏡華髮更傷神

病枕支頤際猶懷夢裏雲簾陰明燭淚雨色淡鑪熏鏤
玉雙鉤扇眞珠百琲文團樂將密意青鳥爲殷勤時以詩扇

寄
之

星翁爲予續湖塘邨居圖并用曉游天王寺韵題

詩見贈疊韵奉謝

結念棲隱鄉環流面寒麓凌晨理幽榜人語出清旭羣
鬟互溼翠臨谿各爲沐釣竿帶煙蘿茶臼答風竹卷簾
交清暉書帙映人綠煩公營粉本茅堂啟湖涤畫圖幸
取辦魚鳥先約束相期采金英鹿蹊踏松粟

青田湖競渡詞十六首

有序

辛酉歲客居京邸初夏積病追念三十年來里
居競渡之樂不已於懷誠人勤苦罕事游觀獨
目四月六日青田湖上爲殷春之嬉予居霞川

又與湖比景物前後閱厯爲多故泚筆所及凡士女丰容之觀郵亭殷填之象俱可極太平於一覽通羈思於羣動而風俗所尚道里所名亦多據入使後之志畧事有所攷見而國家

復古輶軒歛詩之制亦足以備采風云余

青田湖上相公祠祠祀黃衣瘦神俗呼黃老
相公始于明代見萬林志四月嬉春未算遲二百年來人事少太平長日賽神時

今年風景勝前年半月先期約畫船湖水湖風三百頃
家家修笛夜樓前

道出霞頭直郭西昌安門外又常禧周迴十里鄉郵路
時見桑陰出彩旗

白華絳樹閣詩已

虹橋三里小紅樓樓下人家早艤舟釤影隔窗燈未滅
曉星簾幙各梳頭

霞川一曲緩風初畫槳聯銜逐隊魚羅綺中央花兩岸
不容煙水一分疏

金碧樓臺緩隊來錦衣細樂共徘徊前頭忽攜春星鼓
更看魚龍舞一回

花叢來往各西東女伴同舟語笑濃剛是與郎迎面過
轉灣橋畔又相逢

萬人歌吹綠陰天酒戶茶檣處處連誰坐水邊涼閣子
畫羅扇底看游船

白馬絲韁年少郎褰簾紅袖內家妝會龍橋接蓬萊驛

柳影波香各一行

一

旌鐃百沸集祠前
罨畫山光共轉旋
茶火龍舟三百隻
一齊飛舞鏡中天

誰家雀舫擅玲瓏
翠管銀釁別樣工
獨揀綠楊閒處泊
午陰低颭玉釵風

堰南堰北逐行雲
陌上衣香勝草薰
難得夕陽偏解事
盡烘湖翠上羅裙

采桑忽斷見桑麻
少婦紅襄獨在家
爲念插秧時節近
青山影裏聽田車

星火高城上漏遲
游人漸散夜闌時
一鉤纖月鐘山寺
過盡燈船總不知

舞臺對起五雲高
永樂橋連菜市橋
風露漸深歌漸細
夜涼分占兩枝簫

三載飄零滯玉京
今朝回首不勝情
遙知花底鉤簾路
多憶當年側帽生

漢大司農鄭君像爲崑山張緯餘明經

星鑑題二

首

獨紹綱山業遺經日再中道高全亂世名重懾羣雄聖
證嗤王肅師資惜馬融龍蛇哲人夢還與奠楹同

宋學蜩唐會經蕪五百年緯書原小累性理豈真傳復

古逢昭代追崇議近賢

自康熙中復文廟崇祀後
近儒孫氏星衍請官其子孫

世襲五經博士洪氏亮
古請用其禮記注取士
肅瞻遺像在願執後車鞭

夏日午夢坐絳樹閣下賦詩得簷花一尺黃梅雨
之句醒足成一絕

簷花一尺黃梅雨夢到山陰五月初燕子日長人不至
簾垂茶熟卧看書

偶出見都人小兒女繭人艾虎簇戴滿頭始覺明
日端陽矣感賦一絕

女兒節裏在天涯時樣敘符出內家節物誰爲孤客供
白團扇上寫榴花

叔雲爲子畫湖南山桃花小景題一絕句

當年同賦尋春句幾度谿頭放釣船山氣花香無著處
今朝來向畫中聽

夏夜聽雨書感二首

方牀涼意稱疎衾夜靜都無薄暑侵
風際樹聲鄉思亂
雨中燈影客窗深才疏詎合投時用
身健差堪慰母心
都下出師還未已
祇將孤憤寄長吟

半載天涯斷雁書故鄉
烽火竟何如一身涕泣終何補
八口蒼黃未定居作客難求仁祖食
攜家誰借范丹車
荆雲南去應無盡長爲平安報倚闌

題家書後二首

消息初無定全家寄海隅
烽烟三歲別涕淚十行書絕域
飢寒裏孤生患難餘何時重聚首
貧賤樂窮居
有母持家苦晨昏念遠行親朋誰過問
寇盜漸縱橫近

郭居應徙還鄉夢屢驚間關去雁莫更阻郵程

常州楊廷臚孝廉

傳第

以殉母外大梁作詩弔之

一臚從容萬口傳麻衣殺賊誓重泉威豪殉母應非匹

伯道無兒欲問天

君無子亦無兄弟

君已拔心無復悔我今齧

指更堪憐文章慙負前期在交臂千秋失此賢

庚申春君入都

見予詩來訪不值
予未及答遂去

病中聞賊陷紹興

被髮何人叫九闕鶴留唳處哭聲吞殺身豈足紓家禍

嚼舌憑誰報國恩張猛忽驚人吏敵

時署知府廖宗元以郡人疑其通賊

先聚殿外王郎徒有鬼兵存

郡人王副都督團練所任皆匪人

執戈竟負鄰

童約天末餘生欲斷魂

白華絳村閣詩已

越縵堂集

辛酉生日作

又是懸弧日偷存尙異鄉祇今惟痛哭何以慰高堂亂世生原贊中年苦備嘗親恩憑寸草未可問蒼茫

除夕同德夫子恂珊士叔雲守歲

慘慘雞聲接大荒南箕天際辨微茫三年作客經千劫八口偷生各一方夢裏音書增惝恍旅中眠食寄猖狂窮途戚友愁相對燭影天涯淚數行